

TWO KINDS OF ETERNAL

Mateo 25:41 “Unya moingon siya ngadto sa mga tawo sa iyang wala, “Pahawa kamo kanako, kamong gipanghimaraut sa Dios! Ngadto kamo sa kalayo nga walay pagkapalong nga giandam sa Yawa ug sa iyang mga anghel.”

Mateo 25:46 “Busa kini sila ipadala ngadto sa walay kataposang silot; apan ang mga matarung moadto sa kinabuhing dayon.”

2 Tesalonica 1:9 “Mag-antos sila sa silot sa walay kataposang pagkalaglag ug ipahilayo sila sa presensya sa Ginoo ug sa iyang mahimayaong gahom.

Daniel 12:2 (MBB) “Ug daghan sa mga nangamatay ug atua na sa lubnganan mabanhaw ngadto sa kinabuhing dayon, ug ang uban ngadto sa kaulawan nga walay kataposan.”

Jeremias 23:40 “Pahamtangan ko silag walay kataposang kaulawan ug kaalaot nga dili gayod hikalimtan.”

Gipadayag 19:20 “Nadakpan ang mananap ug ang bakakong propeta nga naghimog milagro sa atubangan sa mananap. Pinaagi sa maong milagro nalimbongan niya kadtong napatikan sa patik sa mananap ug kadtong misimba sa larawan sa mananap. Ang mananap ug ang bakakong propeta gitambog nga buhi ngadto sa linaw nga kalayo nga nagdilaab nga asupre.”

Gipadayag 20:10 “Ang Yawa nga naglimbong kanila gitambog usab ngadto sa linaw nga kalayo ug asupre diin gitambog ang mananap ug ang bakakong propeta. Didto sakiton sila adlaw ug gabii hangtod sa kahangturan.’

Gipadayag 20:14-15 “Unya gitambog ang Kamatayon ug ang Hades ngadto sa linaw nga kalayo. Kining linaw sa kalayo mao ang ikaduhang kamatayon. Ang tanan kansang ngalan wala mahisulat sa libro sa kinabuhi gitambog ngadto sa linaw nga kalayo.”

Gipadayag 21:8 “Apan ang mga talawan, ang mga mabudhion, ang mga malaw-ayon, ang mga makighilawason, ang mga salamangkero, ang mga nagsimbag mga diosdios, ug ang tanang bakakon mahiagom gayod sa linaw ng kalayo ug asupre nga mao ang ikaduhang kamatayon.”

Gipadayag 14:10-11 “Paimnon sa bino saa kasuko sa Dios nga iyang gibubo nga walay sambog diha sa kupa sa iyang kapungot Pagasakiton sila pinaagi sa kalayo ug asupre atubangan sa balaang mga anghel ug sa Nating Karnero. Mag-utbo sa walay kataposan ang aso sa kalayo nga magsakit kanila. Adlaw ug gabii mag-antos sa walay hunong kadtong misimba sa mananap ug sa larawan niini, o si bisan kinsa nga napatikan sa ngalan sa mananap.”

Mateo 25:46 “Busa kini sila ipadala ngadto sa walay kataposang silot; apan ang mga matarung moadto sa kinabuhing dayon.”

Roma 6:23 “Kay ang bayad sa pagpakasala mao ang kamatayon, apan ang gasa sa Dios mao ang kinabuhing walay kataposan nga anaa kang Cristo Jesus nga atong Ginoo.”

1 Juan 5:11 “Ang gisaksi mao nga ang Dios naghatag kanato sa kinabuhing walay kataposan ug anaa sa iyang Anak kining kinabuhia.”

Juan 3:16 “Kay gihigugma pag-ayo sa Dios ang kalibotan ug tungod niini gihatag niya ang iyang bugtong Anak, aron ang tanan nga motoo kaniya dili mamatay, kondili makabaton hinuon sa kinabuhing dayon.”

Juan 3:36 “Ang motoo sa Anak may kinabuhing dayon, apan ang dili motuo sa Anak dili makabaton sa kinabuhing dayon; hinunoa, kaligotgutan siya sa Dios hangtod sa kahangtoran.”

Juan 6:40, 46-47, 68-69 “Kay kini mao ang kabubut-on sa akong Amahan; nga ang tanan nga makakita sa Anak ug motuo kaniya makabaton sa kinabuhing walay kataposan ug banhawon ko sila sa kataposang adlaw.” (46)Apan wala kini magpasabot nga may nakakita sa Amahan; siya nga gikan sa Dios mao lamay nakakita sa Amahan. (47)Sultihan ko kamo ang motuo may kinabuhing walay kataposan. (68)Si Simon Pedro mitubag kaniya, ‘Ginoo, kinsa may among kapaingnan? (69) Anaa kanimo ang mga pulong nga naghatag ug kinabuhing walay kataposan. Nagtuo kamo ug nasayod nga ikaw mao ang Balaan sa Dios.”

1 Juan 5:13 “Gisulatan ko kamo niini aron kamong tanan nga nagtuo sa ngalan sa Anak sa Dios masayod nga kamo may kinabuhing walay kataposan.”

Juan 17:3 “Ug kini mao ang kinabuhing dayon: nga ang mga tawo moila kanimo, ang bugtong matuod nga Dios, ug kang Jesu-Cristo nga imong gipadala.”

Juan 14:1 “Miingon kanila si Jesus, ‘Ayaw kamog kaguol. Salig kamo sa Dios ug salig usab kamo kanako.”

Roma 6:22 “Apan karon nga naluwas na kamo gikan sa sala ug nag-alagad na sa Dios, ang balos nga madawat ninyo mao ang pagkabalaan nga mosangpot sa kinabuhing walay kataposan.”

Roma 5:21 ‘Busa ingon nga naghari ang sala pinaagi sa kamatayon, maghari usab ang grasya sa Dios pinaagi sa pagkamatarung nga magdala kanato ngadto sa kinabuhing walay kataposan pinaagi kang Jesu-Cristo nga atong Ginoo.”

Judas 1:21 “Ug pagpabilin kamo sa gugma sa Dios samtang naghulat kamo sa atong Ginoong Jesu-Cristo nga sa iyang kaluoy maghatag kaninyo sa kinabuhing walay kataposan.”

1 Timoteo 6:12 “Paningkamoti kutob sa imong mahimo nga makadaog kamo sa pagtuo ug makadawat sa ganti nga mao ang kinabuhing walay kataposan; kay gitawag ka man sa Dios alang sa maong kinabuhi sa pagsugid mo sa imong pagtuo atubangan sa daghang mga saksi.”

Tito 1:2-3 “Nga gipasikad diha sa paglaom sa kinabuhing walay kataposan. Ang Dios nga dili gayod mamakak misaad kanato sa among kinabuhi sukad pa sa sinugdanan.”

2 Pedro 2:20-22 “Kadtong nakalikay na sa mga kahugawan sa kalibotan pinaagi sa ilang pag-ila sa atong Ginoo ug Manluluwas nga si Jesu-Cristo, ug unya magpagapos ug magpadaog pag-usab niining mga butanga, mas daotan ang dangatan kay sa ilang kahimtang kaniadto. Maayo pa nga wala sila mahibalo sa matarong nga dalan kay sa mahibalo ug unya mobiya sa balaan nga sugo nga gihatag kanila. Ang nahitabo kanila nagmatuod sa giingon sa sanglitanan, ‘Ang iro mokaon sa iyang sinuka,’ ug ‘Ang baboy nga human na ligoa molunang pag-usab sa lapok.’”

Deuteronomio 8:17-18 “Ayaw kamo pag-ingon, ‘Naangkon ko kining bahandia tungod sa akong gahom ug kakugi.’ Hinumdomi ninyo ang Ginoo nga inyong nga inyong Dios kay siya ang naghatag kaninyog gahom aron kamo mangadato,...”

Gipadayag 21:4 Pahiran niya ang ilang luha ug wala nay kamatayon ni kasubo, paghilak o kasakit, kay nahanaw na man ang daang mga butang.”

Gipadayag 22:5 “Didto wala nay gabii ug dili na sila magkinahanglan ug suga o kahayag sa adlaw, kay ang Ginoong Dios mao may ilang kahayag, ug maghari sila hangtod sa kahangtoran.”

1 Corinto 2:9 “Hinupon, sumala sa giingon sa Kasulatan, “Ang wala makita ug madungog sa tawo, ang wala gayod palandong sa tawo nga mahitabo. Mao ang giandam sa Dios niadtong nahigugma kaniya.”

Tito 2:12-13 “Ang maong grasya nagtudlo kanato pagbiya sa kinabuhing daotan ug sa kalibotanong kailibgon ug sa pagkinabuhi nga mapinugnganon sa kaugalingon, matarong ug diosnon, samtang nagpaabot kita sa bulahang Adlaw nga atong gilaoman inigpadayag na sa himaya sa atong gamhanang Dios ug Manluluwas nga si Jesu-Cristo.

TWO KINDS OF ETERNAL

We have only two eternal places to choose from where to spend our eternity.

1. ETERNAL FIRE – Eternity with Satan **Mateo 25:41**

- a) Eternal punishment – because you will be punished eternally **Mateo 25:46**
- b) Eternal destruction - because you be separated from the presence of God eternally **2 Tesalonica 1:9**
- c) Eternal contempt – because you will regret eternally **Daniel 12:2**
- d) Eternal shame – because you will be ashamed eternally **Jeremias 23:40**
- e) Lake of fire – because you will be tormented in the great fire eternally
Gipadayag 19:20; Gipa. 20:10; Gipa. 20:14-15; Gipa. 21:8 Gipa. 14:10-11

2. ETERNAL LIFE – Eternity with God **Mateo 25:46**

- a) Is a gift from God **Roma 6:23** b) Is in Jesus **1 Juan 5:11; Juan 3:16; Juan 3:36
Juan 6:40, 46-47, 68-69; 1 Juan 5:13; Juan 17:3; Juan 14:1**
- c) Is shown in a holy living **Roma 6:22; Roma 5:21; Judas 1:21; 1 Timoteo 6:12
Tito 1:2-3; 2 Pedro 2:20-22; Deuteronomio 8:17-18**

Conclusion:

Gipadayag 21:4; Gipadayag 22:5; 1 Corinto 2:9; Tito 2:12-13